

Ministarstvo unutrašnjih poslova Kantona Sarajevo

Na osnovu člana 21. stav (2) tačka e) i stav (5) tačka a), člana 23. stav (3) tačka d) i člana 94. stav (1) tačka e), u vezi sa članom 77. stav (3) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19 i 31/19), na prijedlog policijskog komesara, ministar unutrašnjih poslova Kantona Sarajevo donosi

PRAVILNIK

O PRIZNANJIMA, POHVALAMA I NAGRADAMA ORGANIZACIONIM JEDINICAMA I UPOSLENICIMA MINISTARSTVA UNUTRAŠNJIH POSLOVA KANTONA SARAJEVO I UPRAVE POLICIJE

DIO PRVI - OPĆE ODREDBE

Član 1.

(Predmet)

Ovim pravilnikom utvrđuju se priznanja, pohvale i nagrade koje se dodjeljuju organizacionim jedinicama i uposlenicima Ministarstva unutrašnjih poslova Kantona Sarajevo (u daljnjem tekstu: Ministarstvo) i Uprave policije Ministarstva unutrašnjih poslova Kantona Sarajevo (u daljnjem tekstu: Uprava policije), izgled i sadržaj priznanja, pohvala i nagrada, kriteriji za njihovo dodjeljivanje, izgled i sadržaj zahvalnica koje dodjeljuje Ministarstvo i Uprava policije i druga pitanja od značaja za navedenu oblast.

Član 2.

(Ravnopravnost spolova)

Gramatička terminologija korištenja muškog ili ženskog spola u ovom pravilniku podrazumijeva uključivanje oba spola.

DIO DRUGI - VRSTE, IZGLED I SADRŽAJ PRIZNANJA, POHVALA I NAGRADA

Član 3.

(Vrste priznanja, pohvala i nagrada)

- (1) Priznanja i nagrade mogu biti samo pojedinačne, dok pohvale mogu biti pojedinačne i kolektivne.
- (2) Pojedinačna priznanja su:
 - a) policijska medalja za hrabrost, za policijske službenike,
 - b) zlatna policijska značka, za policijske službenike i
 - c) srebrna policijska značka, za policijske službenike.
- (3) Pismena pohvala dodjeljuje se kao kolektivna organizacionim jedinicama Ministarstva i Uprave policije ili kao pojedinačna policijskim službenicima, državnim službenicima i namještenicima Ministarstva i Uprave policije.
- (4) Pojedinačne nagrade su:
 - a) ručni sat sa posvetom, za državne službenike i namještenike,
 - b) ručni pozlaćeni sat sa posvetom, za državne službenike i namještenike u slučaju prestanka radnog odnosa zbog penzionisanja,
 - c) pištolj ili revolver, za policijske službenike i
 - d) pištolj sa kojim je bio zadužen sa posvetom, za policijske službenike u slučaju prestanka radnog odnosa zbog penzionisanja.
- (5) U slučaju dodjeljivanja pojedinačnog priznanja iz stava (2) tač. a) i b) ovog člana policijskom službeniku se ujedno dodjeljuje i pojedinačna nagrada iz stava (4) tačka c) ovog člana, izuzev u slučaju iz člana 13. ovog pravilnika.

Član 4.

(Policijska medalja za hrabrost)

- (1) Policijska medalja za hrabrost je desetougaoanog oblika, mesinganožute boje, na kojoj su simetrično raspoređene grede u obliku stiliziranog sunca, uvučene u polukrug na stranici, koji sadrži pet simetrično raspoređenih greda čija se širina smanjuje prema središtu, koji je promjera 47 mm

na najudaljenijim tačkama. Na krajevima najkraćih gredica znaka nalazi se deset poludragih kamenova crvene boje. U sredini policijske medalje za hrabrost nalazi se grb Kantona Sarajevo.

- (2) Policijska medalja za hrabrost iz stava (1) ovog člana je lančićem povezana za pločicu polukružnog oblika, dimenzija 45 x 10 mm na kojoj će biti ugravirano ime i prezime uposlenika.
- (3) Policijska medalja za hrabrost i lančić iz st. (1) i (2) ovog člana izrađuje se u srebru koje je pozlaćeno dok se pločica izrađuje u srebru koje je oivičen sa zlatnom niti.
- (4) Policijska medalja za hrabrost se uručuje u tamnoplavoj kutiji adekvatnih dimenzija.
- (5) Izgled policijske medalje za hrabrost prikazan je u Prilogu broj 1. koji je sastavni dio ovog pravilnika.

Član 5.

(Zlatna policijska značka)

- (1) Zlatna policijska značka je desetougaoanog oblika, mesinganožute boje, na kojoj su simetrično raspoređene grede u obliku stiliziranog sunca, uvučene u polukrug na stranici, koji sadrži pet simetrično raspoređenih greda čija se širina smanjuje prema središtu, koji je promjera 47 mm na najudaljenijim tačkama. U sredini zlatne policijske značke nalazi se grb Kantona Sarajevo.
- (2) Zlatna policijska značka iz stava (1) ovog člana je lančićem povezana za pločicu polukružnog oblika, dimenzija 45 x 10 mm na kojoj će biti ugravirano ime i prezime uposlenika.
- (3) Zlatna policijska značka i lančić iz st. (1) i (2) ovog člana izrađuju se u srebru koje je pozlaćeno dok se pločica izrađuje u srebru koje je oivičen sa zlatnom niti.
- (4) Zlatna policijska značka se uručuje u tamnoplavoj kutiji adekvatnih dimenzija.
- (5) Izgled zlatne policijske značke prikazan je u Prilogu broj 2. koji je sastavni dio ovog pravilnika.

Član 6.

(Srebrna policijska značka)

- (1) Srebrna policijska značka je oblika zlatne policijske značke iz člana 5. stav (1) ovog pravilnika.
- (2) Srebrna policijska značka iz stava (1) ovog člana je lančićem povezana za pločicu polukružnog oblika, dimenzija 45 x 10 mm na kojoj će biti ugravirano ime i prezime uposlenika.
- (3) Srebrna policijska značka, lančić i pločica iz st. (1) i (2) ovog člana izrađuju se u srebru.
- (4) Srebrna policijska značka se uručuje u tamnoplavoj kutiji adekvatnih dimenzija.
- (5) Izgled srebrne policijske značke prikazan je u Prilogu broj 3. koji je sastavni dio ovog pravilnika.

Član 7.

(Pohvala)

- (1) Pohvala se izrađuje na finom 200 do 250 gramskom papiru, dimenzija A4 formata, vertikalno. U središnjem dijelu pohvale utisnut je grb Kantona Sarajevo, dimenzija 138 x 173 mm. U gornjem dijelu pohvale utisnut je znak Ministarstva, dimenzija 45 x 47 mm.
- (2) Pohvala koju dodjeljuje Ministarstvo, ispod znaka Ministarstva, sadrži sljedeći natpis:
"Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
SARAJEVO".
- (3) Pohvala koju dodjeljuje Uprava policije, ispod znaka Ministarstva, sadrži sljedeći natpis:
"Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO".

- (4) Pohvala sadrži: osnov za donošenje, naziv "POHVALA", rubriku za naziv organizacione jedinice Ministarstva ili Uprave policije kojoj se dodjeljuje pohvala, odnosno ime, ime roditelja i prezime uposlenika, te razloge i kriterije po kojima se ista dodjeljuje.
- (5) U donjem lijevom uglu pohvala sadrži datum izdavanja, a u donjem desnom uglu naziv "MINISTAR" ili "POLICIJSKI KOMESAR" i ime i prezime ministra unutrašnjih poslova Kantona Sarajevo (u daljnjem tekstu: ministar) ili policijskog komesara. Za policijskog komesara, ispod naziva policijski komesar, navodi se čin "Generalni inspektor policije".
- (6) Osnovna boja pohvale je bijela, otisnuti grb Kantona Sarajevo je boje slonove kosti, otisnuti znak Ministarstva je zlatne boje, naziv "POHVALA" je zlatne boje, dok je preostali tekst crne boje.
- (7) Pohvale se uručuju u tamnoplavoj mapi, formata A4, sa unutrašnjom ukrasnom trakom.
- (8) Obrazac pohvale koju dodjeljuje ministar prikazan je u Prilogu broj 4. koji je sastavni dio ovog pravilnika.
- (9) Obrazac pohvale koju dodjeljuje policijski komesar prikazan je u Prilogu broj 5. koji je sastavni dio ovog pravilnika.

Član 8.

(Nagrada za odlazak u penziju)

- (1) U povodu odlaska u penziju uposleniku Ministarstva ili Uprave policije dodjeljuje se:
- ručni pozlaćeni sat sa posvetom za državnog službenika ili namještenika i
 - pištolj sa kojim je bio zadužen u trenutku odlaska u penziju sa posvetom i plaćenim taksama i drugim troškovima u postupku izdavanja dokumenata za držanje i nošenje oružja za policijskog službenika.
- (2) Tekst posvete za nagradu iz stava (1) tačke a) ovog člana, glasi:
"Ime i prezime, zvanje _____ u znak zahvalnosti i trajno sjećanje, Sarajevo, __. __. 20__ godine, MUP Kantona Sarajevo " ili
"Ime i prezime, zvanje _____ u znak zahvalnosti i trajno sjećanje, Sarajevo, __. __. 20__ godine, Uprava policije MUP-a Kantona Sarajevo ".
- (3) Tekst posvete za nagradu iz stava 1. tačke b) ovog člana, glasi:
"Ime i prezime, čin _____ u znak zahvalnosti i trajno sjećanje, Sarajevo, __. __. 20__ godine, Uprava policije MUP-a Kantona Sarajevo ".

Član 9.

(Pištolj ili revolver za policijske službenike)

Pištolj ili revolver se može dodijeliti policijskim službenicima ukoliko ispune jedan od kriterija propisanih u članu 11. tač. a) i b) ovog pravilnika i u slučaju iz člana 3. stav (5) ovog pravilnika.

DIO TREĆI - POSTUPAK DODJELE, URUČENJE I EVIDENCIJA O DODJELI PRIZNANJA, POHVALA I NAGRADA

Član 10.

(Postupak dodjele)

- Priznanja, pohvale i nagrade propisane odredbama ovog pravilnika, uposlenicima i organizacionim jedinicama Ministarstva dodjeljuje ministar.
- Priznanja, pohvale i nagrade propisane odredbama ovog pravilnika uposlenicima i organizacionim jedinicama Uprave policije dodjeljuje policijski komesar.
- Ministar može, izuzetno, za postignuti uspjeh u vršenju njihovih poslova priznanja, pohvale i druge nagrade propisane odredbama ovog pravilnika dodijeliti rješenjem policijskim službenicima.

Član 11.

(Kriteriji za dodjelu)

Pojedinačna priznanja, pohvale i nagrade iz člana 3. ovog pravilnika dodjeljuju se na osnovu sljedećih kriterija:

- hrabrost i lični primjer ispoljen u obavljanju poslova i zadataka,
- poseban doprinos u zaštiti i očuvanju ljudskih života i materijalnih dobara,
- organizacione sposobnosti u komandovanju i rukovođenju,
- poseban doprinos u efikasnom izvršavanju poslova i zadataka i
- posebna kreativnost i sposobnost u izvršavanju poslova i zadataka.

Član 12.

(Predlaganje kandidata)

- Kandidate za dodjelu pojedinačnih priznanja, pohvala i nagrada, u pismenoj formi sa obrazloženjem, predlaže rukovodilac organizacione jedinice Ministarstva i Uprave policije, na osnovu kriterija utvrđenih odredbama člana 11. ovog pravilnika.
- Osnovne i unutrašnje organizacione jedinice - kandidate za dodjelu pismene pohvale, u pismenoj formi sa obrazloženjem, predlaže rukovodilac osnovne organizacione jedinice Ministarstva i Uprave policije.
- Izuzetno, ministar, odnosno policijski komesar, može i bez prijedloga iz st. (1) i (2) ovog člana dodijeliti priznanje, pohvalu i nagradu iz člana 3. ovog pravilnika organizacionim jedinicama i uposlenicima Ministarstva, odnosno Uprave policije, ako ispunjavaju neki od kriterija za dodjelu iz člana 11. ovog pravilnika.

Član 13.

(Dodjela pojedinačnih priznanja i pohvala posthumno)

Pojedinačna priznanja i pohvale, u skladu sa odredbama člana 3. ovog pravilnika, mogu se dodijeliti uposlenicima Uprave policije i Ministarstva posthumno.

Član 14.

(Uručenje)

- Priznanja, pohvale i nagrade nosiocima se uručuju na prigodan način.
- Uručenje ispred Ministarstva vrši ministar, a ispred Uprave policije policijski komesar, odnosno uposlenik kojeg za to ovlaste.
- Svi uposlenici Ministarstva i Uprave policije obavješavaju se o dodjeli priznanja, pohvala i nagrada.

Član 15.

(Rješenje o dodjeli priznanja, pohvala i nagrada)

- Ministar donosi rješenje o dodjeli priznanja, pohvala i nagrada organizacionim jedinicama i uposlenicima Ministarstva, kao i u slučaju iz člana 10. stav (3) ovog pravilnika.
- Policijski komesar donosi rješenje o dodjeli priznanja, pohvala i nagrada organizacionim jedinicama i uposlenicima Uprave policije.
- Rješenje iz st. (1) i (2) ovog člana o dodjeli pojedinačnog priznanja, pohvale i nagrade ulaže se u personalni dosje uposlenika kojem je dodijeljeno priznanje, pohvala i nagrada.
- U slučaju odbijanja prijedloga za dodjelu priznanja, pohvala i nagrada organizacionim jedinicama i uposlenicima od strane ministra, odnosno policijskog komesara neće se donositi poseban akt, niti se navedena odluka posebno obrazlaže.

Član 16.

(Usmeno priopćenje pohvale)

Pohvala organizacionoj jedinici Ministarstva, odnosno Uprave policije priopćava se usmeno, čitanjem uposlenicima raspoređenim u organizacionoj jedinici Ministarstva i Uprave policije kojoj je pohvala dodijeljena, a primjerak rješenja o dodjeljivanju pohvale objavljuje se na web stranici

Ministarstva, u skladu sa odredbama propisa koji se odnosi na zaštitu ličnih podataka.

Član 17.

(Prekid postupka dodjeljivanja priznanja, pohvale i nagrade)

- (1) Ukoliko je protiv uposlenika Ministarstva, odnosno Uprave policije predloženog za priznanje, pohvalu ili nagradu, pokrenut disciplinski ili krivični postupak, postupak dodjeljivanja priznanja, pohvale ili nagrade se prekida do donošenja pravosnažne odluke u konkretnom slučaju.
- (2) Ako je za uposlenika iz stava (1) ovog člana utvrđena disciplinska ili krivična odgovornost, u tom slučaju se priznanje, pohvala ili nagrada ne dodjeljuje.

Član 18.

(Evidencija o dodjeli priznanja, pohvala i nagrada)

- (1) O dodjeli priznanja, pohvala i nagrada vodi se posebna Evidencija o dodjeli priznanja, pohvala i nagrada koja sadrži: redni broj, ime i prezime, naziv organizacione jedinice, datum dodjele, vrsta priznanja, pohvale, nagrade i zahvalnice, broj rješenja o dodjeli i napomena.
- (2) Evidenciju o dodjeli priznanja, pohvala i nagrada vodi nadležna organizaciona jedinica za kadrovske poslove Ministarstva i Uprave policije.
- (3) Evidencija o dodjeli priznanja, pohvala i nagrada vodi se na Prilogu broj 6. koji je sastavni dio ovog pravilnika.

DIO ČETVRTI - PRELAZNE I ZAVRŠNE ODREDBE

Član 19.

(Zahvalnica)

- (1) Ministar i policijski komesar, kao poseban oblik priznanja, mogu dodijeliti zahvalnice organizacionim jedinicama, uposlenicima, te drugim pravnim i fizičkim licima, o čemu donose posebno rješenje.
- (2) Zahvalnica se izrađuje na finom 200 do 250 gramskom papiru, dimenzija A4 formata, vertikalno. U središnjem dijelu zahvalnice utisnut je grb Kantona Sarajevo, dimenzija 138 x 173 mm. U gornjem dijelu zahvalnice utisnut je znak Ministarstva, dimenzija 45 x 47 mm.
- (3) Zahvalnica koju dodjeljuje Ministarstvo, ispod znaka Ministarstva, sadrži sljedeći natpis:
"Bosna i Hercegovina

Federacija Bosne i Hercegovine

KANTON SARAJEVO

MINISTARSTVO UNUTRAŠNJIH POSLOVA
SARAJEVO".

- (4) Zahvalnica koju dodjeljuje Uprava policije, ispod znaka Ministarstva, sadrži sljedeći natpis:

"Bosna i Hercegovina

Federacija Bosne i Hercegovine

KANTON SARAJEVO

MINISTARSTVO UNUTRAŠNJIH POSLOVA
UPRAVA POLICIJE
SARAJEVO".

- (5) Zahvalnica sadrži: osnov za donošenje, naziv "ZAHVALNICA", rubriku za naziv organizacione jedinice ili ime i prezime uposlenika, odnosno naziv pravnog lica ili ime i prezime fizičkog lica kojem se dodjeljuje zahvalnica, te razloge i kriterije po kojima se ista dodjeljuje.
- (6) U donjem lijevom uglu zahvalnica sadrži datum izdavanja, a u donjem desnom uglu naziv "MINISTAR"

ili "POLICIJSKI KOMESAR" i ime i prezime ministra ili policijskog komesara. Za policijskog komesara, ispod naziva policijski komesar, navodi se čin "Generalni inspektor policije".

- (7) Osnovna boja zahvalnice je bijela, otisnuti grb Kantona Sarajevo je boje slonove kosti, otisnuti znak Ministarstva je zlatne boje, naziv "ZAHVALNICA" je zlatne boje, dok je preostali tekst crne boje.
- (8) Zahvalnice se uručuju u tamnoplavoj mapi, formata A4, sa unutrašnjom ukrasnom trakom.
- (9) Obrazac zahvalnice koju dodjeljuje ministar prikazan je u Prilogu broj 7. koji je sastavni dio ovog pravilnika.
- (10) Obrazac zahvalnice koju dodjeljuje policijski komesar prikazan je u Prilogu broj 8. koji je sastavni dio ovog pravilnika.

Član 20.

(Sredstva za priznanja, pohvale i nagrade)

- (1) Sredstva za pojedinačna i kolektivna priznanja, pohvale i nagrade iz člana 3. ovog pravilnika koja se dodjeljuju uposlenicima i organizacionim jedinicama Ministarstva, uključujući i priznanja, pohvale i druge nagrade koje policijskim službenicima ministar dodjeljuje u skladu sa odredbama člana 10. stav (3) ovog pravilnika, kao i za zahvalnice iz člana 19. ovog pravilnika, obezbjeđuju se iz sredstava odobrenih u Budžetu Ministarstva za tu namjenu.
- (2) Sredstva za pojedinačna i kolektivna priznanja, pohvale i nagrade iz člana 3. ovog pravilnika koja se dodjeljuju uposlenicima i organizacionim jedinicama Uprave policije, kao i za zahvalnice iz člana 19. ovog pravilnika, obezbjeđuju se iz sredstava odobrenih u Budžetu Uprave policije za tu namjenu.
- (3) Nagrade iz člana 3. ovog pravilnika koje se vode kao stalna sredstva Ministarstva ili Uprave policije, ministar ili policijski komesar dodjeljuju nakon i u skladu sa prijavljenom odlukom Skupštine Kantona Sarajevo.

Član 21.

(Prestanak važenja ranijeg propisa)

Donošenjem ovog pravilnika prestaje da važi Pravilnik o dodjeli pohvala, nagrada i drugih priznanja organizacionim jedinicama i službenicima Ministarstva unutrašnjih poslova Kantona Sarajevo, broj 01-151/05 od 17.03.2005. godine i broj 01-292/06 od 24.05.2006. godine i Pravilnik o dodjeli pohvala, zahvalnica, nagrada i drugih priznanja organizacionim jedinicama i uposlenicima Ministarstva unutrašnjih poslova Kantona Sarajevo, broj 01-636-2/06 od 08.12.2006. godine, broj 01-646/07 od 24.09.2007. godine, broj 01-1067/12 od 24.08.2012. godine, broj 01-593/14 od 04.12.2014. godine, broj 01-114/15 od 04.03.2015. godine i broj 01-496/16 od 30.12.2016. godine.

Član 22.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01/2-05-565/19
14. aprila 2020. godine

Mr. **Ismir Jusko**, s. r.

Prilog broj 1.

Policajska medalja za hrabrost



Prilog broj 2.

Zlatna policijska značka



Prilog broj 3.

Srebrna policijska značka



Prilog broj 4.

Pohvala ministra



**Bosna i Hercegovina
Federacija Bosne i Hercegovine
Kanton Sarajevo
MINISTARSTVO UNUTRAŠNJIH POSLOVA
SARAJEVO**

(Pravni osnov za donošenje pohvale)

POHVALA

Naziv/Ime (ime roditelja) prezime

(Razlozi i kriteriji dodjeljivanja pohvale)

Sarajevo, _____

MINISTAR

Prilog broj 5.

Pohvala policijskog komesara

Bosna i Hercegovina
Federacija Bosne i Hercegovine
Kanton Sarajevo
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

(Pravni osnov za donošenje pohvale)

POHVALA

Naziv/Ime (ime roditelja) prezime

(Razlozi i kriteriji dodjeljivanja pohvale)

Sarajevo,

POLICIJSKI KOMESAR
Generalni inspektor policije

Prilog broj 6.

Evidencija o dodjeli priznanja, pohvala i nagrada

RB	Ime i prezime	Naziv organizacione jedinice	Datum dodjele	Vrsta priznanja, pohvale, nagrade, zahvalnice	Broj rješenja o dodjeli	Napomena

Prilog broj 7.

Zahvalnica ministra



Bosna i Hercegovina
Federacija Bosne i Hercegovine
Kanton Sarajevo
MINISTARSTVO UNUTRAŠNJIH POSLOVA
SARAJEVO

(Pravni osnov za donošenje zahvalnice)

ZAHVALNICA




Naziv/Ime prezime

(Razlozi i kriteriji dodjeljivanja zahvalnice)

Sarajevo, **MINISTAR**

Prilog broj 8.

Zahvalnica policijskog komesara

<table border="1"><tr><td><p>Bosna i Hercegovina Federacija Bosne i Hercegovine Kanton Sarajevo MINISTARSTVO UNUTRAŠNJIH POSLOVA UPRAVA POLICIJE SARAJEVO</p><p>(Pravni osnov za donošenje zahvalnice)</p><p>ZAHVALNICA</p><p>Naziv/Ime prezime</p><p>(Razlozi i kriteriji dodjeljivanja zahvalnice)</p><p>Sarajevo,</p><p>POLICIJSKI KOMESAR Generalni inspektor policije</p></td></tr></table>	 <p>Bosna i Hercegovina Federacija Bosne i Hercegovine Kanton Sarajevo MINISTARSTVO UNUTRAŠNJIH POSLOVA UPRAVA POLICIJE SARAJEVO</p> <p>(Pravni osnov za donošenje zahvalnice)</p> <p>ZAHVALNICA</p> <p>Naziv/Ime prezime</p> <p>(Razlozi i kriteriji dodjeljivanja zahvalnice)</p> <p>Sarajevo,</p> <p>POLICIJSKI KOMESAR Generalni inspektor policije</p>
 <p>Bosna i Hercegovina Federacija Bosne i Hercegovine Kanton Sarajevo MINISTARSTVO UNUTRAŠNJIH POSLOVA UPRAVA POLICIJE SARAJEVO</p> <p>(Pravni osnov za donošenje zahvalnice)</p> <p>ZAHVALNICA</p> <p>Naziv/Ime prezime</p> <p>(Razlozi i kriteriji dodjeljivanja zahvalnice)</p> <p>Sarajevo,</p> <p>POLICIJSKI KOMESAR Generalni inspektor policije</p>	